

Kuwento 2 : Jose 1

Talata sa Bibliya
[Genesis 39:23b]

Sapagkat si Yahweh ay kasama nito at pinagtatagumpay
siya sa lahat niyang gawain.

Si Jacob ay may labing dalawang lalaking anak.

Ngunit sa labing dalawang anak na lalaki ni Jacob si Jose ang pinakamamahal ni Jacob.

Dinamitan ni Jacob si Jose ng matingkad na damit na kakaiba sa damit ng iba pa niyang mga anak.

Ang mga kapatid ni Jose ay nainggit sa kanya at nagsimulang mapoot.

Madalas managinip si Jose. Isang araw, sinabi niya sa kanyang mga kapatid ang tungkol sa kanyang panaginip.

Mga kapatid ko! Kagabi nanaginip ako. Ang inyong mga bigkis ng butil ay nagtipon sa paligid ko at yumukod dito. Nagkaroon din ako ng isa pang panaginip. Sa pagkakataong ito ang araw at buwan at labing-isang bituin ay nakayuko sa akin. Nang mabalitaan ng kanyang mga kapatid ang tungkol sa mga panaginip ni Jose, lalo nilang kinamuhian siya. Sinaway pa ng kanyang amang si Jacob si Jose. Ngunit inisip niya ang bagay tungkol sa mga panaginip ni Jose.

Isang araw sinabi ni Jacob kay Jose na pumunta at tingnan kung maayos ang lahat sa kanyang mga kapatid at kanilang mga kawain.

Bagama't gustong patayin ng kanyang mga kapatid si Jose, hindi nila siya pinatay dahil sa payo ni Ruben.

Sa halip, ay hinubaran nila siya ng kanyang damit at inihagis sa isang tuyong balon.

Ipinagbili ng mga kapatid ni Jose si Jose sa halagang dalawampung siklong pilak sa mga mangangalakal na Midianita na naglalakbay patungo sa Ehipto. Pagkatapos ay kinuha nila ang damit ni Jose, nagpatay ng kambing, nilublob ang balabal sa dugo nito at dinala sa kanilang ama.

Dinala si Jose sa Ehipto at ipinagbili bilang alipin kay Potiphar, isang kapitan sa bantay ng Paraon.

Hindi nagtagal ay inilagay ni Potiphar si Jose na mamahala sa kanyang sambahayan dahil nakita niyang si Jose ay tapat at masipag.

Ngunit si Jose ay maling inakusahan ng asawa ni Potiphar.

Si Potiphar, na naniniwala sa kasinungalingan ng kanyang asawa, ay inilagay si Jose sa bilangguan kung saan nakakulong ang mga bilanggo ng hari. Kahit na si Jose ay maling inakusahan kailanma'y hindi siya nagalit sa sinuman.

Pagkaraan ng ilang panahon, ang katiwala ng kopa at ang panadero ng hari ng Ehipto ay inilagay sa parehong



bilangguan kung saan naroon si Jose. Isang araw ang bawat isa sa dalawang lalaki ay mukhang malungkot. Sinabi ng tagapagdala ng saro, "Nagkaroon ako ng kakaibang panaginip."

Ipinaliwanag ni Jose ang panaginip.

Ito ang ibig sabihin ng iyong panaginip. Sa loob ng tatlong araw ay itataas ng Paraon ang iyong ulo at ibabalik ka sa iyong posisyon at ilalagay mo ang kopa ng Paraon sa kanyang kamay gaya noong ikaw ay katiwala ng kopa. Kapag naging maayos na ang lahat sa iyo, alalahanin mo ako at ipakita mo sa akin ang kabaitan at ilabas mo ako sa kulungang ito.

Sinabi rin ng panadero na nakarinig ng kwentong ito ang kanyang panaginip.

Ipinaliwanag din ni Jose ang panaginip ng panadero.

Pagkaraan ng tatlong araw, nangyari ang sinabi ni Jose.

Ngunit hindi naalala ng katiwala ng kopa ng hari si Jose; siya'y nakalimutan nito.

Nang lumipas ang dalawang buong taon, ang Paraon ay nagkaroon ng dalawang kakaibang panaginip.

Ngunit walang makapagbibigay kahulugan sa kanyang mga panaginip.

Nang magkagayo'y naalala ng punong katiwala ng kopa ng hari si Jose na nagpaliwanag ng kaniyang panaginip habang siya ay nasa bilanguan. Sinabi ng katiwala ng kopa, "Mahal na Hari, may kilala akong matalinong magkakapagbigay ng kahulugan sa iyong mga panaginip." agad na ipinatawag ng hari si Jose.

Si Jose ay napuno ng karunungan ng Diyos at nagawa niyang ipaliwanag ang mga panaginip ng Paraon.

Namangha ang Paraon dahil walang sinuman sa lupain ng Ehipto ang kasing bait ni Jose.

Ang Paraon ay nagsalita sa harap ni Jose at sa lahat ng kaniyang mga lingkod.

"Ikaw ay tunay na tao ng Diyos! Yamang ipinaalam sa iyo ng Diyos ang lahat ng ito, walang sinumang nakakaunawa at matalinong gaya mo. Kinuha ng Paraon ang kanyang singsing sa kanyang daliri at isinuot ito sa daliri ni Jose.

Pagkatapos, inilagay niya kay Jose ang pamamahala sa buong lupain ng Ehipto.

Binigyan ng Diyos si Jose ng isang kamangha-manghang panaginip at tiniyak na magkakatotoo ang panaginip.

Ipinadala ng Diyos si Jose sa Ehipto at pinalampas niya ang lahat ng ito upang iligtas ang mga Israelita.

Sa lahat ng ito, laging kasama ni Jose ang Panginoon.





Gawain 1.

Sagutin ang mga sumusunod na tanong.

a. Ibinenta si Jose ng kaniyang mga kapatid sa mga mangangalakal na Midianita sa magkanong halagang?

b. Sino ang nagsabi na kayang ipaliwanag ni Jose ang panaginip ng Paraon?

c. Basahin ang Genesis 41:15-36 at sagutin. Ilang mga panaginip ang napanaginipan ng Paraon at ano ang kahulugan ng mga panaginip na iyon?

d. Ano ang itinurong aral sa iyo ng istorya ni Jose?

● Basahin at kabisaduhin ang Bible verse. (Genesis 39:23b)

Sapagka't ang Panginoon'y suma kay Jose; at ang kaniyang ginagawa ay pinagpapala ng Panginoon.



Gawain 2.

Sundin ang landas ng bawat pantig at tumuklas ng isang pangungusap

ni Jose

.

ay palaging

kasama

Ang Diyos

sa lahat ng bagay

Isulat ang pangungusap dito: